

Vg
1250



82



OK 214

OK. 214.

OK. 214. 37



Gegenbericht auff
S. Pseffingers vnd der Adia-
phoristen gesuchte glosen vber ihr
Leiptzigsch Interim / mit
einer trewen warnung
an alle Chri-
sten.

Hieronymus Sauter
Ecol. Thobaueru Pastor
1717 X 7 W 1 25

Durch **Nicolaum Gallum Antiadiapho-**
risten/Pfarrhern zu S. Ulrich der alten
Stadt Magdeburgk.

1. Thess. 5.

Den Geist dempffet nicht / Die weiffagung
 verachtet nicht / Prüfet aber alles /
 vnd das gute behaltet.

πάρλα δουραζέτε
τὸ καλὸν κατέχετε

Bedrückt zu Magdeburgk durch Micha-
el Lotther/Anno 1 5 5 0. den er-
sten tag Nouembris.



2. 718 III
Pfalm. CXX.

Ich ruff zu dem **HERRN** in meiner
Not/ Vnd er erhöret mich.

HERR/errette meine Seele von den Lü-
genmeulern/Vnd von den falschen Zün-
gen. (von den gleisnern.)

Was kan dir die falsche Zunge thun? Vnd
was kan sie ausrichten?

Sie ist wie scharffe Pfeile eines Star-
cken/Wie Fewr in Wacholdern.

Wehe mir/das ich ein frembdling bin vnt-
ter Mesech/ Ich mus wonen vnter den
hütten Kedar.

Es wird meiner Seelen lang zu wonen/
bei denen/ die den Frieden hassen.

Ich halte Friede/Aber wenn ich rede / so
sehen sie Krieg an.

3

S hat D. Pfeffinger aber-
mahls ein Buch / welchs für einem
ihare schon gestellet sein sol / doch itzt
allererst im druck lassen ausgehen /
vngeweiffelt der Christlichen mei-
nung / weil der Landtag im Curfürstenthumb
Sachsen also nahend / vnd wir allhie zu Mag-
deburg / vber der reinen freyen bekentnis
Christi / von den ihren mit Kriegs gewalt be-
lagert sind / Das die Adiaphoristen verhoffen
ihr Leiptzisch Interim durch diese gelegen-
heit / nu dester bas durchzubringen / vnd wir
zuuorn auff ihr gefert falsch dargeben / Kei-
nen gegenbericht vnd fernere warnung thun
kündten / das es auch mit vnns / durch diesen
ihren Krieg fast am ende sein würde. So fer-
ne ist's nu noch mit ihnen dauon / das sie ihres
radts vñ handlung / damit sie ihren Fürstē vñ
lantschafft / ja die gantze Kirche schier / in greu-
lichē abfal abgötterey vñ ergernis wie Aaron
verfürt habē / rechtschaffene busse theten / das
sie denselben radt vnd handlung des Leiptzig-
schē Interims / zu welchē sich zuuorn niemant
vnter ihn bekennen wolte / Im newen Buch
numahls durchaus anfahen zuverteidigen /
vnd dran zum aller Christlichsten wollen ge-
than haben / Sich auch mit ihnen im Buch
darfür ansehen lest / als wolten sie das Aug-
spurgisch Interim darzu gern beschonen /
odder doch nicht dafür gehalten sein / das sie
sonder

122
A ij

sonderlich darwider weren/vnnd andere Leut
 dauon abhielten / verdammen vnns dagegen
 auff's aller greulichst / darumb das wir der
 warheit/mit zeugnis Göttlich's worts/wider
 ihr Leipziger Interim beigestanden / auch
 fast widder das Augspurgische/ihres bedün-
 ckens / weit zu viel gehandelt haben. Spre-
 chen vns derhalben gleich ein vrteil / die gütli-
 gen Väter / vnnd wie sie zuuorn durch ihren
 sententz/die trewen Prediger zu Torga/vnnd
 etlicher ander ort veriaht haben / also sind sie
 an vns allbereit für Got vn̄ für der Welt gantz
 mörder worden. Den̄ so wir dermassen teuffe-
 lische/auffrührische/lesterische/arge leute sind/
 wie sie vnns beschuldigen/ So haben wir den
 tod wol verdienet/dem wir auch ihrem starckē
 glaubē nach/den sie habē/auff's Keisers/ihres
 Fürsten / vn̄ anderer vnser verfolger macht vn̄
 betrug/schwerlich entgehen sollen/Vnd mus
 an ihnen auch also erfüllet werden/der spruch
 Christi. Qui non est mecum, contra me est, Wer ni-
 cht mit Christo leiden wil/ der mus auch zu-
 letzt sein verfolger werden. Gott helffe ihnen
 vmb Christi Ihesu willen/das sie mit dem lie-
 ben David bald sagen mügen/ Psalm. 32. Da
 ich meine Sünde wolt verschweigen / ver-
 schmachten meine gebeine / durch mein teg-
 lich heulen / Denn deine hand war tag vnnd
 nacht schwer auff mir / das mein safft ver-
 trocknete/ wie es im sommer dürre wird/Se-
 la. Darumb bekenne ich meine Sünde / vnd
 verhele

B.

7. 557

5

verhele meine missethat nicht / Ich sprach/
Ich wil dem Herrn meine vbertretung bekenn
nen / da vergabest du mir die missethat meiner
Sünde/Sela. Es ist ja nichts neues / das
grosse Leute/grosse schwere felle thun/als Aa
ron/David/Petrus/ auff das jederman Gott
fürchten lerne/Wñ ist rhumlich wider auffste
hen/auch allen Sündern tröstlich/ Wie Paul
us dermassen sein eigen Exempel anzeucht. 1.
Thimo. 1.

Wiewol ich nu weis / aus der Lere des
heiligen Petri/das mir/ noch keinem Christen
gebüret / in ein frembd ampt zu greiffen / viel
weniger in einer frembden herrschafft/ so wil
mir doch nicht allein geziemen / Sondern ich
erkenne michs für Got durch sein gebot schül
digk/so viel vnd so lange ich kan/ seiner Gött
lichen warheit widder alle vnwarheit vnd
verführung der Seelen/zeugnis zu geben/ vnd
damit meinem negsten durch die Liebe zu die
nen. Demnach weil ich befinde aus dem ne
wen fürgebrachten Buch D. Pffingers/das
die Adiaphoristen mit ihrem vnchristlichen
fürnehmen gedenccken fortzudringen / vnd
gleich itzt die sachen ins werck zu richten/das
Buch auch an ihm selbst mit farben geschmü
ckt/das dadurch viel möchten eingefürt wer
den/ So habe ich / so viel mir in dieser grossen
eile immer möglich gewesen/dennoch mit die
sem meinem kurtzen gegenbericht / für alle
Christen / sonderlich für die versamlung der

A iij

Christ

Christlichen Landtschafft / itzt ghen Zorger
 auch kommen wollen / ob daran schon den
 Theologen kleiner gefalle gescheen wirdt.
 Wil derhalben alle vngegründte beschwerli-
 che aufflagen / beyde vnser handlung widder
 die Adiaphora / vnd vnser person betreffendt /
 itzt gemeiner nutzbarer sachen halben hie vor-
 yber passiren lassen / Darauff sonst Jlyricus
 seins teils etliche antwort geben wirdt. Vnd
 wil allein hie setzen vier kurtze wolgegründte
 hypothesen oder regeln / widder vorstehende
 enderung vnd beschönung des Leiptzigschen
 Interims. Daraus ferner bald der vngrundt
 oft gemeltes Buchs vnd handlung wirdt zu
 sehen sein / Desgleichen was in dieser sachen
 von Mitteldingen / aller Christlichen Stende
 erbieten Kegen Key. May. sein mag / wie ich
 denn solchs auff's kurtzest mit anzuhengen
 willens. Auch ferner fürhabens vnd erbötig /
 so viel ich für diesem vnserm obliegenden jam-
 mer / vnd andern nötigen wercken meins be-
 ruffs mehr darzu kommen kan / gedachte vnd
 baldt nachfolgende vier hypothesen durch ein
 sonderlichs Büchlein zu gründen / vnd zu er-
 klären / mit vorleibter kleinen ablenung der
 falschen lesterlichen zulagen / inn D. Pfeffin-
 gers Buche begriffen / widder meine person /
 so viel das der sachen nötig / vnd nicht weiter.
 Denn ich in dem lieber zu wenig / denn auch
 mein gebürlich recht thun wil.

Hirauß wolle nu ein jeder Christ / zu for-
 derst

7

derst itzt die versamlete Christliche Landschafft /
samt ihrem Fürsten / so ehr auch frum
sein / vnd busse thun wolt (welchs ich ihm von
hertzen wünsche) gedachte vier hypothesen
mit anhangenden puncten treulich behertzigen /
In dieser aller hochwichtigsten sachen /
Gottes ehre / ihre vnd ihrer nachkommen /
auch viel tausent anderer Christen / die itzt alle
auff sie sehen / ewige seeligkeit betreffend /
darin ihrer Theologen radt vnd handlung /
als ein verleugnung Christi vnd abgötterey /
von vns dargethan wirdt / grundt gegen
grundt aus Gottes wort halten / vnd auff
fleissigst mit Gottes fürchten erwegen / beide
teil prüffen / nach der vermanung des Apo-
stels / vnd das gute behalten. Wollen sich zu
diesem Christlichen vrteil nicht irren lassen ei-
nigerley praeiudicia / damit wir / aber doch
Gott lob mit vnwarheit / von ihren Theologen
vnd sonst beschweret werden / das sie auch
hochberümbte / gelerte / wolberette Menner
sind / Wir geringe / jung / vnd ihre Schüler. Es
mag Gott noch wol einem Schüler ein war-
heit verleihen / für seinem Meister / sintemal er
sonst wolgefallen hat / den vnmündigen zu
offenbaren in seinem reich / das er den weisen
verbirgt / wie Christus spricht / Matthei 10.
Vnd aus dem munde der vnmündigen vnd
seuglingen ihm lob zuzurichten / Psalmo. 8.
Matth. 21. Aber solchs / wie gesagt / stehe auff
der probe Göttlichs worts / vnd auff einem
Christlichen vrteil nach demselben wort.

Hienach

contemptus personae

Hienach folgen die vier Hypothesen/regeln vnnnd gründe/warumb das
Leiptzisch Interim vnchristlich vn
verdamllich / vnnnd seine glosen
nicht können stat haben.

1. Es ist vnd bleibt grosse schreckliche sünde wider den glauben vnd wider die liebe des Nächststen / solche vergleichung der Lere vnd Ceremonien zu stellen vnd anzunehmen / zwischen Christi vnd des Antichrists Kirchen / das bei derlei widderwertiger verstand daraus kan nach den Worten vnd Wercken genommen werden / vnd beide teil / die doch im verstand zum höchsten widereinander / darüber zu Frieden sein / Wie solchs im Leiptzigschē Interim geschehen / vnd itzt die Wittenbergischen vnnnd Leiptzigschen Theologen ihres verstands erklerung dem Euangelio gemess / drüber geben / Die Bischoffe aber / welchen die Meisnische Christliche Kirchen drauff solten vnterwörffig gemacht werden / ihren verstand auch gegeben haben noch in werender handlung vor dem Beschlus (wie sie ihn nennen) vnd so sie darumb gefragt / gewislich weiter also geben werden / das sich dieselbige form des Leiptzigschen Interims aller ding mit dem Augspurgischen Interim vergleichen sol / Vnnnd sie der Theologen vnnnd Landschafft verstand dahin gerichtet /

gerichtet / gleich als für bekand angenommen haben / wie solchs die ergangne handlungen vnd schrifften vnleugbar mit bringen.

2. Nach dem das Bapstumb für des Antichrists Reich bei vns durch Gottes wort erkleret vnd gehalten wird / so ist für Gott ein ware verleugung vñ abgötterey / sich oder andere demselbigen vnd seinen Bischoffen nicht allein vnterwerffen inn Religions sachen / sondern auch ichtes das aller wenigste / das inn den Kirchen Christi / vmb des Antichrists willen gefallen / vmb seinen willen aus noth widder auffrichten. Wie denn itzt alle enderung des Leiptzischē Interims von wegen des Augspurgischen / von den Meissnischē Christlichen Kirchen wirdt gefordert / Das Augspurgische vmb des Bapstumbs willen / Das Bapstumb aber vmb des Teuffels willen / Welchem mit allen diesen enderungen dieser zeit vñ gelegenheit eigentlich vñd warhafftig wirdt gedienet.

Magistrat vnd geistl. Rat

3. Wiewol ein jede Christliche Obrigkeit für Gott schuldig ist / reine rechtschaffene Lere vnd Kirchenordnung helfen zu fördern vñd zu hand haben / jedoch so wenig als ein Bischoffs odder Predigers ampt ist / selbs eigne lere fürzuschreiben odder auch zwingende gebot Menschlicher satzung zu machen / eben so wenig ist auch der weltlichen Obrigkeit / Fürsten / König oder Keyser ampt / form der lere vñ Ceremonien in Kirchen selbs zu stellē / Viel weniger

*Magistrat vñ geistl. Rat
in rebz religionis.*

weniger dieselbigen aus Krafft ihres Ampts
zugebieten/einiger vrsachen halben/zuuor aus
aber kan noch mag solchs geschehen weder
von Geistlicher vnnnd Weltlicher Obrigkeit/
gleichförmigkeit inn Ceremonien mit den ver-
folgern warer lere noch Kirchen anzurichten/
Welches alles itzt von weltlichen Herrn vnnnd
von Theologen also geschicht/ vnnnd fürgenom-
men wird / durch beiderley Interim / das
Augspurgische vnd das Leiptzigsche.

4. Die Christliche freiheit inn Menschen
satzungen wird verloren mit schmach vnnnd
verlust des verdiensts Christi / nicht allein
durch annemen / sondern auch durch auffles-
gen Menschlicher Gebot / der meinung/ das
man die gewissen damit fange/sunde vnd ver-
dienst mache/ da Gott inn seinem Wort keine
haben wil. Item es hat Christus dieselbige
freiheit gegeben vnd selbs gebraucht in wer-
cken Menschlicher satzung / damit zu thun
oder zu lassen/ zu dienst der schwachen / vnnnd
nicht der halstarrigen vnd verstockten verfol-
ger/zu erbawung seiner Kirchen/ vnd nicht zu
zerstörung. Jetzt aber/ob wir gleich nicht ver-
meinen des Interims Ceremonien anzuneh-
men/ als verbindlich im gewissen / so werden
sie aber doch im Interim der meinung vns
aufferlegt vnd erfordert / das wir mit solcher
widerauffrichtung der gefallenen Ceremoni-
en / für Gott ein gut werck thun / vñ vns schäl-
dig geben sollen einer grossen begangenen
sünde

Adiaphora merant
90

in der
einigkeit

11

sünde / damit das wir dieselbigen zuvor haben fallen lassen / etliche werden erfordert / nicht allein als Menschen satzungen / sondern auch als ordnung vnd gebot Gottes. Vnd ist das alwege also gewesen die meinung D. Martini / vnd kein andere / so oft er sich erboten in Adiaphoris den Papisten zu weichen / ist auch die meinung seiner antwort inn D. Pfeffingers Buche / auff die frage / So die heubtsachen spennig blieben / das er für sein teil erbötig / alle Adiaphora vmb friedens willen von den Papisten anzunehmen / so fern sie ihm sein gewissen damit nicht beschwereten / das ist / Adiaphora sein vnd bleiben liessen. Das ist warlich itzt mit dem Interim die meinung nichts vberal / Das lasse man den Keiser selbst / vnd alle des widerteils Reichsstende aussagen. Zu dem wird denselbigen als feinden vnd verfolgern des Euangelij Christi inn vnsern Kirchē damit hofiret / das sie dardurch nuhr dester verstockter werden / vnd mit den Lehr Artickeln auch gewaltiger auff vns dringen vnd lestern. Vnsere Kirchen aber werden mit solchen Ceremonien wider ihren willen / zum hefftigsten beschweret / geergert / vnd viel vmbgestossen der jenigē / so bei vns als schwache Christen gewesen / oder noch bald hetten von andern herzu komen mögen / Wie solchs des Polnischen Reichstages handlungen / in neulichkeit geschehen / auch alzuviel ausgewiesen.

W ij

Diss

Diss sind meine vier gründe / welche ich
 hiemit widerumb wil gelegt haben / wider die
 Adiaphoristen vnd handlung ihres Leiptzig
 schen Interims / allen Christen / vñ zu förderst
 den Landstenden des Churfürstenthumbs
 Sachsen / denen solche handlung itzt zum er
 sten angemutet wird / fleisig zubetrachten.

Daraus menniglich zuuernemen / erst
 lich / das wir ja nicht ohne grund Göttlichs
 worts / aus lauterem neid / bitterem / auffrüri
 schen gemüet / vom Teuffel angetrieben / vnd
 mit fürsetzlichen Calumnien von diesem han
 del bissher gered vnd geschrieben haben / wie
 D. Pfeffinger vnd sein Buch vns wol Calum
 niren vnd lestern / ja Calumniren vnd lestern
 Gottes Wort selbs / welchs wir ihn je vnd als
 wege / einfeltig vnd klar opponirt haben. Aus
 wasserlei Geist solches von ihnen geschicht /
 mögen sie selbs auch wol zu sehen.

z. Das es nicht vmb geringe vnnötige sachs
 en zuthun sey / sondern vmb die gantze Christ
 liche lere / verleugung G D Etes / Abgötterey /
 grewliche ergernis des Negsten / vnd man
 cherley vngheorsam wider Gott. Nu ist ein ier
 der Christ schuldig auch zu leiden / Weib /
 Kind / haus / hoff / gütter / endlich sein leben zu
 uerlassen / ehe er sich zu einiger Sünde dringen
 lasse / Viel mehr ist er schuldig solches alles zu
 leiden vmb ein jedes gebot Gottes / vnd Artis
 ckel der lere / vnd noch mehr schuldig zu leiden
 vmb alle Artickel / welche durchs Leiptzigische
 Interim



Interim nicht allein denen / die es annemen /
vnnutz werden zu ihrer seligkeit / sondern auch
inn gewisse gefahr gesetzt / das sie beide ihnen
vnd andern / gegenwertigen vnd nachkomens
den / gantz odder zu mehrern teil verfelscht
werden.

3. So sind dis ja solche vrsachen / dar
umb wir mit vnser zeugniss vnd bekentnis vns
aufflenen mögen vnd sollen / nicht wider Pres
ceptores allein / sondern auch wider Schwester
vnd bräder / wider Vater vnd Mutter / wie ges
schrieben stehet. So jemand zu mir kumpt /
vnd hasset nicht Vater vnd Mutter / etc. Der
kan nicht mein Jünger sein. Nicht das man
den Eltern sol fleischlicher weise feind sein /
sondern sie so weit nicht ansehen / das man
ihrenthalben vnterlasse was Gottes ehre / vnd
vnser bekentnis erfordert.

4. Erscheinet aus obuermelten gründen /
mit was warheit / vnns die Adiaphoristen zus
messen / wir verwerffen alle nützliche Ceremo
nien / so vnter dem Babst gewesen / machen
neutralia damnabilia / haben lust zu vnord
nung / mügen keine gleichformigkeit leiden /
verstehē nicht doctrinam libertatis / wie wirs
denn leren köndten? etc. Dieser dinge hoffe
ich / werden sie keins schliessen können aus
dem / da wir aus ihrer eigen lehr widder sie
streiten. *Adiaphora in casu confessionis, necessita
ris & scandali, exuere naturam Adiaphororum, das
ist / im fall / so durch mittel Ceremonien das*

W ih bekent



bekentnis gesucht wird / zwang vnd ergernis
inn der Kirchen damit angericht / das sie als
denn nicht mehr für mittel ding zuachten.

5. Erscheinet weiter aus vorigen gründen/
welch erbieten der Ceremonien halben gegen
Key. May. Christlich odder vnchristlich sey/
Ytz so die Key. May. wolt fallen lassen / erst/
lich das starcke geboth inn der vorrede / des
Augspurgischen Interims vorleibet / nemlich
das die Stende der Augspurgischen Confes/
sion sich mit den andern Ppstischen Sten/
den in der Religion aller ding vorgeleichen sol/
len / odder aber / doch dis Interim gantz / halb
oder etwas darvon / bis auffs Concilium aus
not halten / zum Papstumb damit zuzulenden.
Item / so sein Ma. wolt das ander gebot auch
fallen lassen vom Tridentischen Concilio / sich
desselben beschlus zuunterwerffen / Wie es
denn allbereit hat angefangen vnser Lehr vnd
Kirchen zuuerdammen / Erböte sich aber zu
erörterung der Religions sachen / wie dasselbi/
ge allwege gesucht ist / ein gemein / frey / Christ/
lich Concilium zugeben / oder aber / diese Sten/
de vund wer mehr herzu wolte / bey gedachter
Augspurgischen Confession / vnbedrenget frey
bleiben zu lassen. Auff solchen fall mügen
sich diese Stende in aller vntertthenigkeit ver/
nemen lassen / das ihres teils Superintenden/
ten / Pfarrhern vnd Prediger sich vngenötiget
sollen vnd werden in mitteldingen / vmb frie/
dens / ordnung / zucht vund gleichförmigkeit
willen /

15

willen / möglicher nützlicher Ceremonien ver-
gleichen. Ein solch erbieten ist alwege gewe-
sen D. Martini / in allen seinen schriften vnd
hendeln von Ceremonien / Auch der Christli-
chen Stende in der Confession zu Augspurg
vnd hernacher. Ist etwas jemals mehr von
jemandis hierin erboten worden / das ist vn-
recht / Wie denn itzt vnser Adiaphoristen rath
vnd handlung weit weit anders / vnd derhalb
ben vnchristlich ist / damit sie ihren Fürsten /
Landschafft / vnd viel andere Christen in ver-
leugung / Abgötterey vnd schwere ergernis
hart verführet haben / vnd noch on auffhören
wollen verfahren. Wenn sich die Papisten mit
vns etwas vergliechen in der lere / vnd fingen
an darin neher zu vns zutretten / das hoffnung
were sie zugewinnen / so were dis abermals
auch ein vrsache / warumb man in vielen Cere-
monien weichen / vnd wol in höhern dingen
gedult mit ihñ tragen köndte / wie es ein sol-
chs ansehen zu Regenspurg hatte / da etlicher
artickel der lehre vergliechung also gemacht
ward / im ersten colloquio / das sie dem Euan-
gelio vnd vnser predigt gemes waren.

Weil dieser dreier sachen itzt noch keine
mith Key. May. vnd den Papisten für der
Handt ist / so ist nun der negeste radt aus Got-
tes wort / mit allen enderungen auff's Inter-
rim nur inne gehalten / lere vnd Ceremonien
in des beynander gelassen / Christum in beiden
frey bekennet vnd geliden was Gott haben
wil /

will/was durch ordenliche Christliche mittel
 nicht mag abgelenet werden / Ist Key. May.
 des fürhabens/vnnd Gott ihm so viel hengen
 wil / vnser heilige Religion inn diesen Landen
 mit dem Schwerd zuuertilgen / so wird ers
 warlich vmb vnser Adiaphora willen nicht
 lassen. Wir aber thun in des mit solchen ver/
 meintē Adiaphoris grosse sünde / sitzen gleich
 zwischen zweien stülen nider / erzürnen Gott/
 vnd thun dem Keyser auch damit kein genüge/
 Wil aber auch G D E durch vnser bestendig/
 keit/vnnd freye reine bekentnis die Kirche inn
 diesen Landen lassen vntergehen / so sind wir
 doch daran vnschuldig / wir haben gethan
 was er vns hierin zu thun befolhen hat. Ich
 bin aber gewis / das durch bekentnis vnd lei/
 den der Christen/die Kirche nicht allein nicht
 abe/sondern zu nimpt/ Wie auch Tertullia/
 nus sein spricht. Sanguine piorum rigari Ecclesi/
 am. Das derhalben wir vermeinen / der Kir/
 chen mit weichen vnnd weis nicht mith was
 linderung zu helfen / ist zum teil die Sünde
 Menschlicher weisheit/dauon D. Martinus
 heiliger gedechtnis oft saget/das wir wollen
 selbs Gott sein/vnd an seine stadt die Kirchen
 regiren/zum teil ist's auch eine furcht. Wie/
 wol ich nu D. Pffessinger vnnd alle Adiapho/
 risten / ihr gewissen vnd stercke für sich haben
 lasse/ so weis ich doch / das ich diese sache wi/
 der die Adiaphora mit so gutem gewissen han/
 dele / als sie die ihre / verhoffe auch mit bes/
 serm

Persecutio

ferm gewissen / weil ich selbs vnd andere mehr
 gegenwertig gehört haben / etliche deshalb
 vbers gewissen klagen. Von meiner stercke
 weis ich nichts zu räumen / allein bit ich Gott
 teglich mit demütigem hertzen / das er mir
 stercke gebe / so es von nöten / mit solchem ge-
 wissen vber dieser vnnötigen sachen / wie sie
 von ihnen geacht wird / bestendiglich den tod
 zu leiden / vnd dem Antichrist wider Christum
 vnd seine Kirche in nichte zu weichen / Amen.

Zum beschlus will ich nu widerumb alle
 Christen / vnd itzt zu forderst offtgedachte ver-
 samlete Landschafft des Churfürstenthumbs
 Sachsen / vmb Gottes willen ermanet vnd ge-
 beten haben / ob ermelte vier gründe / widder
 das Leiptzigsche Interim / seine schutzherrn
 vnd forderer / aus Gottes wort fleissig zu prü-
 fen vnd zuerwegen. Denn so dieselbigen vier
 gründe stehen / wie ich hoffe / vnd inn meinem
 andern büchlein / wils Gott / weiter ausgefü-
 ret sol werden / So folget ferner draus (wel-
 ches warlich hoch zubetrachten) das den je-
 nigen die das Leiptzigsche Interim also anneh-
 men / vnd der sachen sonderlich so offt berich-
 tet / vnd gewarnet sein / das Euangelium vnd
 Sacramenta / wenn sie die gleich reine behal-
 ten / zu ihrer seligkeit nicht nütze sein. Denn
 wie daselbs erwiesen / so stecken sie in verleug-
 ung / abgötterey vnd ergernis.

Wie nu einem Ehbrecher / odder andern
 heimlichen oder öffentlichen sündler / Euange-
 lium /

E

lium /

N

lium/Sacramenta/vnd Christus selbs nichts
 nütze sind / weil er inn solchen sünden bleibet
 vnd nicht busse thut/Also ist's auch hie / Vnd
 wie die Propheten für Götzen diener vrteile-
 ten alle die zu Bethel/Dan/vnnd ander enden
 eben denselbigen Gottesdienst hielten / der zu
 Jerusalem war / vnnd den Gott selbs geboten
 hatte / also wurden die verwandten des Leip-
 tzigischen Interims bey dem reinen Euange-
 lio vñ rechtem brauch der Sacrament nichts
 dester weniger für Gott Abgöttisch sein / aus
 vrsachen/wie droben gnug gesagt.

Man mus den Teuffel lassen ein Tausent/
 Fünster bleiben / wanner die Lehr vnd heiligen
 Sacrament nicht kan von den leuten gar weg
 nemē durch vnterdrückung oder verfelschung/
 so kan er ihnen doch also den nutz nemen.

Vnd wie das Leiptzigisch Interim an im
 selbs gestellt ist/so ist verfelschung der Lere be-
 reit darinnen / vnd würde bald von ihm selbs
 mehr folgen / wenn die Bischoffe sollen Kir-
 chen diener geben vnd regieren/ Ich geschweiz
 ge Gottes gerechte straffe vmb solche verleug-
 ung/ Abgötterey vnd ergernis / welche straffe
 gewis nicht wird lang ausbleiben.

Haben aber die Adiaphoristen sonst ein
 Agenda/wie sie rühmen/welche gantz Christ-
 lich/zu guter ordnung/ disciplin vnnd gleich-
 formigkeit mehr dienstlich ist / wolan so for-
 men sie mit derselben auff ein ander zeit / al-
 lein lassen die Christlichen Kirchen itzt damit
 zu frie

19

zu frieden / da vom Babst vnd verfolgern auff
solche einfürung der gefallenen Ceremonien
gedrungen wird / zum nachteil der gantzen le
re / Wir wollen vns denn vngenötigt in dem /
was gut vnd nützlich ist / auch mit ihnen gern
vergleichen / vnnnd andere helffen darzu anhal
ten . Doch sehe man auch wol zu / das man
nicht mit zuuel / vnnnd eben mit Papistischen
Ceremonien / den nachkomen stricke lege / wie
alwege Menschen satzung / vnnnd gut meinen
dem Euangelio schaden gethan haben / vnnnd
sich die lenge nicht wol miteinander leiden
mögen .

Gott der Vater vnsers Herrn Ihesu Chris
sti / wolle gnediglich alle Christen / vnnnd mit
denselbigen itzt die versamlete Landschafften /
durch seinen heiligen Geist / inn alle warheit /
vnd in ein recht Christlich vrteil leiten / für al
lem abfall / Abgötterey / ergernis vnnnd verfol
gung behüten / Stercken vñ erhalten / in einig
keit des Glaubens / vnnnd richtiger reiner be
kentnis / Das sie auch in vns / die wir itzt vmb
solcher bekentnis willen fürnemlich leiden /
sich der verfolgung Christi nicht teil
haftig machen / sondern diesel
bige viel mehr abwen
den helffen /
vnd / do es von nöten / vmb
Christi willen auch
mit leiden /
Amen .



Handwritten numbers and scribbles at the top of the page, including "19" and "1250".

ULB Halle
 002 721 35X
 3




Faint, mirrored text from the reverse side of the page, appearing as bleed-through. The text is mostly illegible but seems to contain Latin or German words.



10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100







Vg
1250

OK. 214.
OK. 214. 37

Gegenbericht auff
D. Pseffingers vnd der Adia-
phoristen gesuchte glosen vber ihr
Leiptzigisch Interim / mit
einer trewen warnung
an alle Chri-
sten.

Hieronymus Sauter
Ecol. Marbacher Pastor
1717, 7 11 11

Durch Nicolaum Gallum Antiadiapho-
risten/Pfarrhern zu S. Ulrich der alten
Stadt Magdeburgk.

1. Thess. 5.
Den Geist dempfet nicht / Die weissagung
verachtet nicht / Prufet aber alles /
vnd das gute behaltet.

πάρλα δουραζέλι
λο καθ'ορ κατέχελε

Gedruckt zu Magdeburgk durch Micha-
el Lotther/Anno 1 5 5 0. den er-
sten tag Nouembris.

BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(SALE)

